



ԳՐԻԳՈՐ ԱՐԾՐՈՒՆԻ

ՅԻՇՈՂՈՒԹԻՒՆՆԵՐ

1905 թևականն էր:

Այն տարաբազդ տարին, երբ դարերից ի վեր Կովկասում ապրող հարևան ազգերը, ինչ որ չար ոգու գրգռմամբ, խելքները կորցրած՝ ջարդում էին իրար և աւերում միմիանց աները:

Ես ապրում էի Կալուզա նահանգի մի խուզ գիւղում:

Հինգերորդ տարին էր, որ ես այդտեղ էի: Միակ հայերը, որոնց ես տեսնում էի, դա շրջակայ փոքրիկ քաղաքներում հատիկ հատիկ ընկած արքայական հայերն էին:

Ձեք կորող երևակայել թէ որքան ուրախութիւն էր մեզ համար, երբ մենք երբեմն երբեմն հաւաքում էինք միասին. այդ պատահում էր մեծ մասամբ Ձատկի և Ծննդեան տօներին:

Որքան քաղցր էր մեզ համար մայրենի լեզուն, որքան տնուշ էր մեզ համար հայրենի յիշողութիւնները, ինչ անյազ փափագով ստանում ու կարգում էինք հայ թերթերը:

Պատահեց մի անգամ հէնց այդ 1905 թւին, Սմոլենսկի մօտ մի գիւղաքաղաք էի գնացել, մոռացել եմ անունը, անցնումէի փողոցով, տեսնում եմ զանձակեցի թուրքի մի տիպիք դէմք:

Մօտեցայ և հարցրի թէ սրտեղացի է և ի՞նչ է շինում այդտեղ:

Թուրքը մի բոսիկ շարած, երեսիս նայեց. և յետոյ արտասուքը աչքերին՝ փաթաթեց ինձ:

Ազն, հինգ տարի է այստեղ եմ և ոչ ոքին չեմ տեսել մեր կողմերից. ոչ ոքի հետ չեմ խօսել մեր լեզուով. այդ քեզ սրտեղից Աստուած հասցրեց:

Աքսորւած էր. իհարկ է ոչ քաղաքական: Միրք էր ծախում և մի կերպ գլուխը պահում: Տարաւ իր մօտ. ստիպեց թէյ խմել. փլաւ եփեց և ուրախութիւնից չգիտէր ինչ անել:

Մինչև երեկոյ խօսումէինք: Պատմում էինք զարդներս իրար:

Յիշումէր հայրենիքի գեղեցկութիւնը, նրա պտղաբեր հողերը, նրա այգիները, քաղցրահամ մրգերը և ջրերը...:

Հետացանք իբրև մտերիմներ: Որքան քաղցր էր մեզ համար մեր հայրենիքը, որքան քաղցր էր հնչում ամէն մէկիս ականջին իւր մայրենի խօսքը...:

Իսկ հետուն... բուն հայրենիքում մեր եղբայրները իրար միս էին ուտում, իրար տուն էին քանդում:

Ինչո՞ւ... Ի՞նչ էին արել իրար:

Ի՞նչ ունէին իրար մէջ բաժանելու: Այն, օտարութեան մէջ միայն, հետու օտարութեան մէջ, ուր ոչ մի խօսք չես լսում դու քո մայրենի լեզուով, ոչ մի դէմք, ոչ մի գծադրութիւն չէ յիշեցնում քեզ քո հայրենիքը. այդտեղ միայն դու զգումիս թէ որքան թանգ է քեզ համար մայրենի լեզուն, հայրենի յարկը, նրա սուրբ օջախը...:

Անցան տարիներ...:

Յիշեցի նորից ես այդ օրերը, երբ մեզ մօտ էլ Աստրախանում, իմացայ որ պատրաստում են հայ գրի և տպագրութեան մեծ յօրեխանները տօնելու:

Եւ գիտէք ինչո՞ւ:

Ինչո՞ւ, մտածում էի ես, մենք մեր տանը, մեզ մօտ այնքան անփոյթ և անհոգ կերպով դէն ենք շարտում մեր ամենից թանգագին գանձը, մեր լեզուն, որը այդքան մեծ ջանքերով և զոհերով մեր նախնիքները մեզ են աւանդել:

Մենք նայում ենք և նայում ենք բոլորովին սառն ու անտարբեր թէ ի՞նչպէս մեր մատաղ սերունդը, մեր երիտասարդութիւնը աւելի և աւելի օտարանումէ, խորթանում է իւր մայրենի լեզուից:

Ինչո՞ւ:

ԱՌԷԼ ԱՊՐԵՍԵԱՆ.

